


四

金華居石室中

金華洞在縣北三十里



大庾

在南安軍大庾縣西南二十里一名塞上嶺即五嶺之一嶺

之嚴東者
曰東嶠

漢時呂嘉漢軍伐之監軍姓庾城于此故謂之大庾

嶺唐志在虔州南康縣今南安軍高駢繇大庾擊賊廣州

武夷

在建寧府崇安縣南三十里漢郊祀志有武夷君通典在建安縣
唐志在建陽縣

建寧有崇安縣朱文公武夷園序峯巒巖壑秀拔竒偉清溪九曲流出

其間文公築精舍于五曲大隱屏之下

廬山

在江州潯陽縣今德東三十二里南康軍城北十五里本名鄣山郡縣志匡俗字子孝廬于此山漢武帝拜為大明公俗號廬君故名山周環五百餘里太史公南登廬山觀禹疏九江廬山東白鹿洞唐李渤之隱居南唐弼書院

衡嶽

職方荊州山鎮在潭州衡山縣西三十里衡州衡陽縣北七十里有五峯曰紫蓋天柱芙蓉石廩祝融湘中記曰衡山有玉牒禹按其文以治水遙望衡山如陣雲郭璞曰山別名岫

嶠韓文公詩岫嶠山尖神禹碑南嶽記曰朱陵之靈臺宿當翼軫度應機衡故為名禹導水通瀆刻石書名山之高南嶽文云高四千一十丈岫嶠者衡山南麓別峯之名通典衡山在衡州湘潭縣衡嶽廟在衡山縣西三十里

大川 浙江

在臨安府錢塘縣南十二里越州蕭山縣西二十五里莊子

云浙河蓋取其曲折為名地理志水經曰漸江郡縣志江源日歛州界東北流經界

石山又東北流經州又東北流入于海江涛每日晝夜再上常以月十日二十日最小月三日十八日極大小則水漸漲不過數尺大則涛湧高至數丈每年八月十八日數百里女共觀舟人漁子沂涛觸浪謂之弄潮秦始皇至錢唐臨浙江吳越春秋越王至浙江

之上望見大越山川重秀天地再清前潮水伍子胥也後重水大夫種也燕肅海潮

圖論曰浙江夾岍有山南曰龜北曰赭二山相對謂之海門岸狹勢迫

涌而為濤高麗國經云潮汐往來應期不爽為天地之至信

古人嘗論之在山海經以為海鮑出入之度浮屠書以為神

龍之變化竇耕蒙海濤志以為水隨月之盈虧盧肇海潮賦

以為日出于海衝擊而成王充論衡以為水者地之血脉隨

氣進退率示之晝大抵天包水承地而一元之氣升降于太空之中地持水

而地沈則海水溢上而為潮及其氣降而地浮則海水縮而為汐計日十二辰由子立

己其氣為陽而陽之氣又自有升降以運乎晝由午至亥其氣為陰而陰之氣又自

有升降以運乎夜一晝一夜合陰陽之氣凡再升再降故一日之間潮汐皆再焉然

晝夜之攻擊乘日升降如應乎日臨于子則陽氣始升月臨于午則陰氣始升故也

夕潮之期日皆臨于子晝潮之期月皆臨于午為又日行遲月行速以速應遲每二十九度

過半而月行及之日月之會謂之合朔故月朔之夜潮日亦臨于子月朔之晝潮日亦臨

于午為且晝即天上而言之天體西轉日月東行自朔而往月速漸東至于漸遲而潮亦應

之以遲於晝故晝潮自朔後迭差而入于夜此所以一日午時一日午末三日未時四日

未末五日申時六日申末七日酉時八日酉末也至夜即海下而言之夫俸東轉日月西

行自朔而往月速漸西至于漸遲而潮亦應之以遲于夜故夜潮自朔後迭復而入于晝

此所以一日子時二日子末三日丑時四日丑末五日寅時六日寅末七日卯時八日而

末也以時有交交氣有盛衰而潮之所至亦因之為大小

湘水

出全州清湘縣陽朔山東入洞庭北至衡州衡陽縣入江太

史公浮沅湘山海經湘水出舜葬東南阪西環之入洞庭下

贛水

山海經出聶都東山東北注江入彭澤西注云出南野縣西北南野

在縣漢地理志贛縣豫章水出西南北入大江通典處州贛今南安軍處州縣其部山

縣有章水貢水合流故曰贛虔州今改為贛東江發源于汀州新樂山經粵都會于章水西江導源于大庾縣之蕭都

沅水

在常德府武陵縣漢臨沅縣地至長沙入洞庭湖又入龍陽縣界歷凡洲長二十里即李衡種甘所地理志水經出梓柯且蘭縣今遵義軍播州地山海經出象郡鐘城西入東注江入下雋西合洞庭中楚辭沅有芷兮澧有蘭齊沅湘以南征

澧水

在澧州澧陽縣出慈利縣歷山東至辰州沅陵縣入沅注于

洞庭水經云出武陵充縣西至長沙下雋縣西北入江禹貢又東至于澧楚詞澧浦薛氏曰出澧州石門縣東合石門縣之泚水至安鄉縣入洞庭湖

洞庭

在岳州巴陵縣西南一里五十步周迴二百六十里青草湖相連青草

在南洞庭在北巴丘湖又名青草湖在縣南七洞庭太湖也廣圓五百

餘里日月若出沒于其中有君山在縣西三十里青草湖

中莊子黃帝張咸池之樂於洞庭之野楚詞遭吾道兮洞庭

資水沅水澧水湘水同注洞庭比會大江名五渚戰國策秦與荆戰大破之取洞庭五渚謂此也薛氏曰洞庭即巴丘也合沅湖諸水至岳州巴陵縣入江

彭蠡

在江州潯陽縣今德化縣括地志在縣東南五十里六典注一名

宮亭湖俗謂之鄱陽湖在南康軍星子縣南江州彭澤縣西地理志在

豫章郡彭澤縣西郡縣志在都昌縣今屬南康軍西六十里與潯陽

縣分湖為界禹貢揚州彭蠡既豬即江漢所瀝之澤合江西江東諸水跨豫章饒州南康軍三州之地

吳起曰三苗左洞庭右彭蠡宋武帝破盧循于左里即彭蠡湖口左里故在都昌縣西南九十五里晉陶潛為令治此城

太湖

職方揚州其浸五湖因語注太湖即五湖在吳西南唐志湖州烏

程縣有太湖占湖宣常蘇四州境通典湖州東有太湖一名

震澤在吳縣西南五十里太史公上姑蘇望五湖太湖周五百里故曰五湖有包山亦曰天椒山俗謂之洞庭山海經浮玉之山北

望具區注太湖也李氏曰五湖彭蠡洞庭巢湖太湖鑑湖薛

曰震澤今太湖在平江吳縣

遠夷控五溪之蠻

通典黔州楚黔中謂之五溪謂酉辰巫武陵等古老相傳云

楚子滅巴之子兄弟五人流入黔中各為一溪之長一說云

五溪蠻皆槃瓠子孫非巴子也水經注武陵五溪雄楠酉漁

辰周武帝時蠻帥以其地歸附遂置黔州其在黔中五溪長沙間為槃瓠之後其在峽中巴梁

間為廩君之後

劔南

東連牂牁 通典牂牁渠師姓謝氏舊臣中國正規中修貢列

其地為牂州 思川當牂何之要衝

西界吐蕃 見前

南接群蠻 郡蠻南詔北抵益州又有烏蠻白水蠻昆明蠻交

州蠻六姓蠻之屬 漢州雜縣西北有白馬羌南平蠻北與涪州接獠蓋蠻之別種漢中印笮川谷之間所在皆有

北通劔閣 劔閣在劔州劔門縣張載作銘有梁山亦曰大劔

山在縣西南二十四里 今隆慶府郡縣志大劔山亦曰梁山在劔州普安縣北四十九里通典利州益昌縣古劔閣道秦使司馬錯伐

蜀所由謂之石牛道郡縣志自益昌縣界西南十里至劔州普安縣大劔鎮

名山 峨眉

峨眉大山在嘉州峨眉縣西七里 漢隸為郡隋眉兩山相對望之

如峨眉中峨眉在縣東南二十里西魏置眉州在峨眉之陰

因山為名 蜀都賦抗峨眉之重阻

青城

在永康軍青城縣北三十二里 岷山第一峯也 仙經云此是第五洞天

上有流泉縣澍一日三時灑落謂之潮泉

鶴鳴

在蜀州晉原縣西七十九里 今崇慶府 絕壁千尋後漢張陵孝道

鶴山中 一云在縣西八十里益州記張道陵登仙之所恃有白鶴遊其上

岷山

在茂州汶山縣俗謂之鐵豹嶺禹導江始于此 河圖括地象曰岷山之地為井絡
帝以會昌神以建福禹貢岷山導江東別為沱 水在彭州唐昌縣
太史公西瞻蜀之岷山郡縣志岷山在岷州溢樂縣南一里

大川 涪水

出剛氏道徼外經綿州巴西縣至合州入漢

緜水

出漢州雒縣章山南至新都谷入渝蜀都賦漫以緜雒

西漢水

出秦州清水縣 通典上邽縣今省入清水 嶓冢山南入廣漢白水東南至重

慶府江津縣入江 禹貢廣記此嘉陵江水薛氏曰西漢出清水之嶓冢與嘉陵合流入蜀

江瀆

江源在松州交川縣西北江源鎮至茂州岷山自岷山東流別而為沱 至通州海門縣入海 山海經岷山江水出焉東北流注于海岷山岨山江水出焉東流注于大江

遠夷控西河羣蠻

唐志劔南諸蠻州九十二無城邑推髻皮服通典松外諸蠻

貞觀末遣兵從西河討之自西洱河從賓州西千五百里
具地有數千百部落

嶺南

東南際海 秦置南海尉所謂東南一尉也
通典禹貢物產貢賦職方
山數川瀆皆不及五嶺之
外則東南之地非九州之境

西極羣蠻 漢交趾日南九真合浦皆有蠻唐嶺南諸蠻州九

十二隸桂邕州安南府蜀蠻州十八隸峯州

北據五嶺 秦南守五嶺塞上嶺一也
今南安軍 騎田嶺二也 今

州臘 都龐嶺三也
今道州 永明嶺 昨渚嶺四也 今道州 白芒嶺 越城嶺五也 今靜江府 北永州南

嶺

名山 黃嶺

在廣州東莞縣

靈洲山

在廣州南海縣鬱鬱水中
南越志蕭連山西十二里有靈洲焉其山平原弥望

大川 桂水

連州桂陽縣在桂水之陽又靜江府臨桂縣有灘水一名桂

江經縣東去縣十步九域志韶州曲江縣有桂水

鬱水

在南海縣漢志鬱林郡廣鬱縣鬱水首受夜郎水東至四會
縣入海四會屬廣州山海經出象郡西南注南海入湏陵東南
遠夷控百越林邑扶南

通典自嶺已南是百越之地自交趾至會稽七八千里百越
雜處各有種姓古謂之雕題林邑漢桓靈後蠻獠據象郡象
林縣遂為林邑國晉灌暹討之宋杜慧度宗慙隋劉方破之
唐曰環王今古城扶南在日南郡之南海西大島中在林邑西
南又身被髮晉隋遣使貢獻唐亦來貢

元本卷五

周形勢攷

元本作卷六

周室微諸侯不享親天子之在者唯祭與覲通鑑記始於威烈
王命韓趙魏稽古錄曰三大夫始受天子之命禮之紀綱盡矣
蓋文侯之命書所以終平王東遷文侯所以始知趙韓魏關左
傳之終也魏趙韓為諸侯通鑑之始也源流貫通相為經緯觀
通鑑者當自書春秋始今略攷周之地勢繫于七國之前
左氏傳景王使詹桓伯辭于晉曰我自夏以后稷魏駘芮岐畢
吾西土也及武王克商蒲姑商奄吾東土也已濮楚鄧吾南土
也肅慎燕亳吾北土也吾何邇封之有

杜氏曰夏世以后稷功受五國為西土之長 魏陝州芮城
縣本魏國地魯桓公時芮伯萬出居于魏即此地漢河北縣
地後周改芮城 駘京兆府武功縣本部邑后稷所封亦作
釐漢屬右扶風後漢省武功亦漢縣治故釐城 芮同州馮
翔縣本芮國漢臨晉縣地屬左馮翊隋改縣曰馮翊 岐鳳
翔府岐山縣東北十里有岐山通典文王徙于岐即此縣孟
子春子言文王治岐杜氏注在美陽縣西北輿地廣記岐陽
縣漢美陽縣地太王邑岐山之下詩謂居岐之陽文王亦治
焉唐省入扶風縣為岐陽鎮 畢在京兆府咸陽縣西北郡

縣志畢原在京兆府萬年縣西南二十八里詩注云畢終南
之道名也書周公葬于畢 原即咸陽縣所理是也左傳畢文
之昭也即謂此地原南北數十里東西二三百里亦謂畢陌
通典文王葬畢初王季都之後畢公高封焉 蒲姑注云博
昌縣北有蒲姑城通典姑幕縣故城在密州莒縣東北古蒲
姑氏國郡縣志薄姑故城在青州博昌縣東北六十里 今博
興縣
輿地廣記青州博興縣有薄姑城商末為諸侯居此成王滅
之晏子曰蒲姑氏因之而後太公因之 商奄左傳因商奄
之民說文鄰國在魯括地志兗州曲阜縣奄王即奄國之地

周有徐奄注二國嬴姓晉序成王東伐淮夷遂踐奄遷其君於蒲姑 巴重慶府巴縣本江州縣古巴國今重慶黔連施忠萬開涪州南平軍渠資普昌合州廣安軍皆其地也秦取其地立巴郢 濮牧誓伊尹為四方獻令正南百濮郡國志趙焉會無縣華陽國志曰故濮人邑鄭語楚蚡冒始啓濮劉伯莊曰濮在楚西南左傳糜人率百濮聚于選將伐楚通典有尾濮木綿濮文面濮抗晉濮赤口濮黑棘濮爾雅南至濮鈞周書王會下人丹砂注云西南之蠻蓋濮人也諸濮與哀牢地相接 楚商頌奮伐荆楚荊州之楚國也周封熊繹

為楚子今歸州秭歸縣東南丹陽城

鄧襄陽府鄧城縣漢

為鄧縣唐為臨漢縣有故鄧城在縣東北二十二里即鄧國

肅慎北夷在玄菟北三千餘里通典挹婁即古肅慎之國

在不咸山北夫餘東北千餘里濱大海勿吉在高句麗北亦

古肅慎國地靺鞨即勿吉也燕在涿鹿山南召公所封都幽

州薊縣北燕伯欵始見于春秋 毫秦紀寧公與毫戰皇甫

謚云西夷之國

北土之毫未詳

國語史伯曰當成周者南有荆蠻申呂應鄧陳蔡隨唐北有衛燕翟鮮虞路洛泉徐蒲西方虞虢晉隗霍揚魏山東有齊魯曹

宋滕薛鄒莒

荆蠻注云芊姓之蠻鬻熊之後蠻芊蠻矣謂丹熊在濮從蠻俗也今按詩云蠻荆叔向曰昔成王盟諸侯于岐陽楚為荆蠻置茅菹設望表與鮮牟守燎故不與盟荆蠻即楚也春秋莊公世書

荆僖元年乃書楚人伐鄭蓋始改為楚

申姜姓詩申伯故申城在鄧州南陽縣北二十

里南陽秦宛縣國在今鄧州信陽軍之境 呂姜姓書呂

侯故呂城在鄧州南陽縣西四十里林氏曰秦漢之際南陽為要地楚有圖北方之志其君多居于申合諸侯又在焉子重請申呂為賞田巫臣曰不可此申呂所以邑也是以為賦

以禦北方若取之是無申呂也晉鄭必至于漢申即宛也方城之險楚所恃而申在方城之內其阨之險又在方城之內

應姬姓武王子封

在汝州魯山縣

漢志潁川郡父城縣應鄉故國秦

范睢封應侯縣廢入汝州葉縣 鄧曼姓見前 陳媯姓周

封舜後滿以備三恪在陳州宛立縣 蔡姬姓文王子所封

蔡州上蔡縣蔡叔始封也平侯自上蔡遷新蔡縣 隨姬姓

在隨州隨縣左傳漢東之國隨為大 唐姬姓隨州唐城縣

故唐國漢為上唐鄉屬春陵晉置上唐縣隨改唐城 衛姬

姓康叔之封都殷之朝歌衛州及黎陽野王皆衛之邑 燕

姬姓見前 翟隗姓白公在延安府鄜丹綏鄜銀石州之地

鮮虞姬姓在翟者今中山府新樂縣古鮮虞國戰國為中山洛姑姓春

秋赤狄潞氏今潞州潞城縣 洛隗姓漢匈奴傳武王放

逐戎夷涇洛之北注云洛即漆沮水也出上郡雕陰秦冑山

東南入于渭後漢西羌傳洛川有大荔之戎 泉隗姓左傳

泉臯之戎注云今伊闕北有泉亭 徐注云赤翟隗姓 蒲

注云赤翟隗姓 虞姬姓武王封太王子仲雍之後為虞公

陝州平陸縣吳山在西上有虞城 虢姬姓西虢於之後陝

州陝縣上陽故城在縣兼虢州為南境東虢仲之後在孟州汜

水縣制邑故虎牢城 晉姬姓唐叔之後燹父改唐為晉今

太原府陽曲縣 隗姬姓未詳其地 霍姬姓文王子封處所

封在晉州霍邑縣 楊姬姓晉州洪洞縣本楊侯國漢為楊

縣隋改洪洞取嶺為名 魏姬姓河中府永樂縣古魏國詩

謂魏地狹隘漢河北縣唐分為城置永樂 芮姬姓 見前

齊姜姓太公望之後都營丘今青州臨淄縣 魯姬姓周公

旦之後伯禽完曲阜今襲慶府仙源縣 曹姬姓文王子振

鐸之後完陶丘今興仁府濟陰縣東北三十七里定陶故城

宋子姓微子封為宋公今應天府宋城縣 滕姬姓文王

子叔繡所封今徐州滕縣西南十四里有滕城 薛任姓奚仲所封漢有薛縣故國後廢故城在徐州滕縣東 鄒曹姓春秋邾子陸終之後今襲慶府鄒縣 莒已姓東夷之國今密州莒縣 曹元首六代論曰三代之君與天下共其民故天下同其憂秦王獨荆其民故傾危而莫救夫與人共其樂者人必憂其憂與人同其安者人必拯其危先王知獨治之不能久也故與人共治之知獨守之不能固也故與人共守之兼親疎而兩用參同異而並進是以輕重足以相鎮親疎足以相衛并無路塞逆節不生及其衰也桓文帥禮苞茅不

貢齊師伐楚宋不城周晉戮其宰王綱弛而復張諸侯傲而復肅二霸之後寢以陵遲吳楚憑江自固方城雖心希九鼎而畏迫宗姬姦情散于胸懷逆謀消于唇吻斯豈信重親戚任用賢能枝葉碩茂本根賴之與自此之後轉相攻伐吳併於越晉分為三魯滅于楚鄭無于韓暨乎戰國諸姬微矣唯燕衛獨存然皆弱小西迫強秦南畏齊楚救於滅亡匪遑相卹至于王赧降為庶人猶枝幹相持得居虎位海內無主四十餘年 林氏曰春秋歷十三王君無弒逆之禍臣無專擅之變外弱而內固枝傷而幹存故晉齊多叛臣宋鄭多叛親

魯多叛邑衛多叛民而周無僭逆之亂齊俗好游秦俗好兵
晉魏之俗褊鄭衛之俗淫而周無變異之風齊作內政晉作
爰田魯作丘甲鄭作封洫而周之政則守先王之政晉大夫
貧鄭大夫侈魯大夫抗齊大夫驕而周之臣則貴先王之禮
齊晉有世臣而無公族宋魯有公族而無世臣權在世臣則
雖強而亡權在公族則雖存而削唯周之立國兼而有之親
疎相制本枝相維凡此者皆非諸國之所及也故秦雖免胄
而過門楚雖觀兵而問鼎吳雖告勞而矜功六終懾服內聽
而不敢動况中國之君乎

左氏傳桓王八年與鄭人蘇忿生之田温原締樊隰邠攢茅向
盟音孟州陞隕懷惠王五年與鄭伯武公之略自虎牢以東與
虢公酒泉襄王十七年與晉侯隰樊温原攢茅之田晉于是始

啓南陽

漢地理志周地今河南雒陽穀城平陰偃師鞏緱氏是其分
也初雒邑與宗周通封畿東西長而南北短，長相覆為千
里至襄王以河內賜晉文公又為諸侯所侵故其分墜山唐
天文志周之興也王畿千里及其衰也僅得河南七縣通典
周之封域其西得今河南洛陽偃師東至緱氏鞏縣南得伊

關北至于河當戰國時其境最狹東西南北才百餘里

温孟州温縣春秋僖十年狄滅温蘇子奔衛于是襄王以賜晋

文公原在孟州濟源縣漢軹縣原鄉 絺在野王縣西南今

懷州河内縣 樊一名陽樊野王縣西南有陽城國語陽人曰

陽有夏商之嗣典樊仲之官守樊仲山父食采於樊 隰

邠在懷縣西南懷縣省入懷州武陟縣 攢茅在懷州修武縣北 向軹

縣有地名向上軹縣唐省入孟州濟源縣 盟今盟津在孟州河陽縣 陘

通典河南府密縣有陘山 隕在修武縣北 懷即懷縣凡

二邑 禹貢 覃懷之地 南陽懷州修武縣有南陽城晉啓南陽即此今

孟懷州皆春秋南陽之地 虎牢孟州汜水縣 酒泉周邑

未詳 陳氏曰九州川浸澤數各在職方不屬諸侯之版而詩

不以圃田繫鄭春秋不以沙麓繫晉略可觀矣周季諸侯始

勝与頌同禮王制名山大澤不以勝

擅不盼之利齊幹山海而桃林之塞郟瑕之地晉實私之僭

後滋甚往稱伯甚者至周成貢百二十金於魏以易温圃

呂氏曰言周秦之疆弱者必歸之形勢其說始於婁敬

所見者特平王之周耳曷嘗見文武成康之周哉敬以周之

形勢為弱秦之形勢為強抑不知敬之所謂秦乃文武成康

之周也文武成康之世岐豐乃周之都如敬之言被山帶河

四塞以為固者蓋皆周之形勢當是時安有所謂秦者耶迨至平王東遷輕捐岐豐之地以封秦遂成秦之強是秦非能自強也得周之形勢而強也秦得周之形勢以無道行之猶足以雄視諸侯并吞天下况文武成康本之以盛德輔之以形勢其孰能禦之耶是天下形勢之強者莫周若也敬何由見而遽以弱名周耶自平王捐岐豐以封秦既失周之半以破裂不全之周統自保猶恐難立豈容復有所侵削今日割虎牢畀鄭明日割酒泉畀虢至襄王又頓捐數邑于晉隧固王章也千里之畿畝亦王章也襄王惜禮文不以與晉自

謂能守王章抑不知割地自削則畿畝之王章既不全矣惜其一而墮其二烏在其能守王章耶 趙氏曰周之始東也

以父子之變東而又東也以兄弟之爭 林氏曰周至平王

而弱襄王而微敬王而亂此東周之三變也平王當齊晉秦楚楚代興之始襄王當齊晉秦楚爭伯之初敬王當齊晉秦楚俱弱之後夫四國強而周弱四國伯而周微固其勢也四國

既弱而周之亂又甚焉實周自為耳 或曰觀史伯之言成周南有申呂而有荆蠻焉北有衛而有程焉何

以無亂華之憂曰大雅有云大邦惟屏大宗維翰此立國之根本也申呂在宛維周之翰何畏乎荆衛在河朔行方伯連帥之職何虞乎程蕭謝功呂伯營之為申伯作也修亦車馬弓矢戎兵衛武自傲也乃心固不在王室諸夏安而四夷服周之衰也申侯啓西戎之既而終為荆所滅衛宣稔淫亂之惡而終為狄所滅東遷之後晉鄭焉依晉有河東鄭

有成臯蒙陽皆洛都之屏翰也周亦不競于鄭奪其政取其田召狄以伐之於晉助蠶賊而翦覆焉賞募逆而爵命焉征伐女得不自諸侯出乎然子類之亂鄭之自入子常之唯又晉之由之猶有賴于二國也晉楚爭鄭迭為勝負鄭以犧牲玉帛符于二境宋之盟無夷夏之辨申之會諸侯晉為夷晉亦不臣而暴蔑宗周至子率陰戎伐潁况荆蠻何有于周室劉文公合十八國於召陵謀伐楚而晉大夫以賄敗之諸侯遂不知有周矣嘗以春秋書魯者致之天王未聘者七錫命者三賄葬者四歸賑者一而公如京師者一朝王所者一卿大夫如京師者五君日卑而臣日慢威福下移冠屨易位履霜于曲沃之命堅永于三晉之命周自是不可為雖孟子之言王道已絕望於周一併連其能障橫流之波乎

黃氏曰荆宛并韓其國都皆近京師宛衛武闕以制楚

韓扞臨晉以制狄皆天下形勝故宣王中興特著二詩焉大

抵周人幽據全燕制狄齊據海岱制徐淮充冀翼蔽洛陽并荆

控扼咸雍此天下全勢也觀九州山川險要之處與其建牧

規模而經略大體可見矣 朱氏曰自申繒之讐不復而毋

家之屯戍是急鍾巫之賊不正而諸侯之盟會狎至春秋所以作也討夏南之亂不出于諸華而反出于夷狄之國請討田恒之無君不見於公卿而特出于去位之大夫更戰國與秦斯義愈晦然三戶亡秦之怨猶見於故楚之遺老使者五反必欲復立魏後之義猶復見於先魏之故臣感五世相韓之德不憚破家捐軀而求報者猶有圮下孺子也天命流行人心如故斯理詎可湮滅哉

名臣議論攷

古之謀國者知天下之大勢圖事揆策規畫先定無言不酬今
自樂毅而下著于篇

樂毅對代齊

樂毅為魏使於燕、王以客禮待之遂委質為臣當是時齊湣
王疆南敗楚相唐昧於重丘西摧三晉於觀津遂與三晉擊秦
助趙滅中山破宋廣地千餘里與秦昭王爭重為帝於是燕昭
王問代齊之事樂毅對曰齊霸國之餘業也地大人衆未易獨
攻也王必欲代之莫如與趙、以楚魏於是使樂毅約趙惠文王別

使連楚魏令趙囑秦以伐燕之利諸侯害齊湣王之驕暴皆爭
合從與燕伐齊樂毅還報燕昭王悉起兵使樂毅為上將軍趙
惠文王以相國印授樂毅樂毅於是并獲趙楚韓魏燕之兵以
伐齊破之濟西諸侯兵罷歸而燕軍樂毅獨追至於臨菑齊湣
王之敗濟西亡走保於莒樂毅獨留徇齊燕昭王大說親至濟
上勞軍行賞饗士封樂毅于昌國號為昌國君樂毅留徇齊五
歲下齊七十餘城皆為郡縣以屬燕唯獨莒即墨未服
重丘

應劭曰安德縣北五十里有重丘鄉水經注故重丘縣漢屬平原在德

州左傳襄二十五年諸侯同盟於重丘輿地廣記永靜軍將陵

縣漢重丘縣地隋于重丘故城置唐屬德州慶曆七年屬永靜

觀津

正義在冀州武邑縣東南二十五里輿地廣記觀津鎮本趙

地樂毅封於此號望諸君漢為縣屬信都初屬清河外戚傳實后家
在觀津通典故城在德州務

縣東北後屬冀州

濟西

正義謂濟州已西左傳僖三十一年取濟西田公曹地也

水經注春秋莊十六年公追戎于濟西京相璠曰濟水自鉅野

至濟北是也蘇代曰秦以濟西委於趙有濟西趙之河東國危
臨淄

青州臨淄縣古營丘之地城臨淄水故曰臨淄師尚父所封
莒

今密州莒縣故莒國

昌國

正義故城在淄州淄川縣東北四十里漢齊郡之縣

即累

今萊州之縣故城在縣西膠水縣南六十里

濟上

濟水之上禹貢濟東北會於汶孔氏云濟與汶合 濟職方

氏及漢志說父作沛兗州之川今禹貢從水從齊乃字之誤

當以古文為正 濟水出常山郡房子縣贊皇山別是一水名音同實異

寧臺

索隱云燕臺也括地志元英磨室二宮皆燕宮在幽州薊縣

西四里寧臺之下戰國策云曆室 通典燕國都碣石宮

薊丘

正義薊縣西北隅有薊丘索隱云燕所都之地 今燕山府薊縣因丘以名邑

地理志薊南通齊趙勃碣之間一都會也薊縣故燕國召公所封

漢屬廣陽郡唐屬幽州

汶篁

正義汶水源出兗州博成縣東北原山西南入沛徐廣云竹

田曰篁謂燕之疆界移於齊之汶水

薊立燕所都之地燕之薊立所植齊汶上之竹

蕭何韓信論定三秦

項羽立沛公為漢王而三分關中地王秦降將以距漢王漢王怒欲謀攻項羽蕭何諫之曰雖王漢中之惡不猶愈於死乎語曰天漢其稱甚美夫能誑於一人之下而信於萬乘之上者湯

武是也願大王漢中養其民以致賢人收用巴蜀還定三秦天下可圖也漢王曰善韓信拜大將王曰丞相數言將軍將

軍何以教寡人計策信曰項王雖霸天下而臣諸侯不居關中而都彭城又背義帝約而親愛王諸侯不平諸侯之見項王逐義帝江南而皆歸逐其主自王善地項王所過亡不殘滅多怨百姓百姓不附特劫於威疆服耳名雖為霸實失天下心故曰其疆易弱今大王誠能反其道任天下武勇何不誅以天下城邑封功臣何不服以義兵從思東歸之士何不散且三秦王為秦將秦子弟數歲而所殺已不可勝計又欺其眾降諸侯

至新安項王詐阮秦降卒二十餘萬人唯獨邯欣翳脫秦父兄
怨此三人痛於骨髓今楚彊以威王此三人秦民莫愛也大王
之入武關秋毫正所害除秦苛法與民約法三章耳秦民亡不
欲得大王王秦者於諸侯之約大王當王關中關中民戶知之
王失職之蜀民已不恨者今王舉而東三秦可傳檄而定也於
是漢王大喜自以為得信晚遂聽信計部署諸將所擊漢王舉
兵東出陳倉定三秦二年出關收魏河南韓殷王皆降令齊趙
共擊楚彭城漢兵敗散而還信復發兵與漢會滎陽復擊破楚
京索間以故楚兵不能西信定向東使人請漢王願益兵三萬

人臣請以北舉燕趙東擊齊南絕楚之糧道西與大王會於滎

陽 吳元府城固縣有韓信壇即高帝置壇設九賓之位拜信為大將處

漢中

元和郡縣志屬楚秦惠文王取漢中地六百里為漢中郡後

漢注故城在今梁州南鄭縣東北輿地廣記房金洋州興元

府索隱云在楚之西北漢水南穰侯相秦舉任鄙為漢中守

呂氏曰鄙之守沛公王邑蜀漢中四十一縣都南鄭今興元府南

邊秦之所倚也鄭縣水經注云者曰傳云南鄭之始始於鄭桓公死於大戎其民南奔故以南為稱即

漢中郡治也漢高祖入秦項羽封為漢王蕭何曰天漢美名也遂都南鄭大城周
四十二里城內有小城南惠北結漢中地形襟要高帝始都於此用能定

環雉金墉漆井皆漢所修築

三秦先王之用蜀倚為重鎮鄠高傳別將攻旬關西定漢中旬關洵陽九里漢高祖北定三秦蕭何守漢中欲修此道通關中故名通關山城固故城在縣東六里韓信所築

巴蜀

秦二郡首蜀相攻秦使張儀司馬錯取蜀譙周曰首今之巴郡也正義曰蜀王封其弟於漢中號曰首侯因命之邑曰葭萌首侯與巴王為好巴與蜀為讐故蜀王怒伐首，奔巴求救於秦，遣張儀伐蜀滅之因滅巴括地志云首侯都葭萌今利州蓋昌縣葭萌故城是蜀侯都蓋州太史公曰巴蜀四塞棧道千里唯褒斜縮轂其口在漢中

三秦

章邯王雍

地理志右扶風輿地廣記鳳翔府屬雍國天吳縣故雍縣

都廢立

韋昭曰即周大立懿王所都秦更名廢立漢更曰槐里括地志古城在雍

州始平縣東南十里輿地廣記京兆府吳平縣

司馬欣王塞

顏氏曰取河華之固為院塞地理志京兆左馮翊廣記京兆府同州屬塞國

都櫟

陽括地志故城一名万年城在雍州櫟陽縣東北二十五里秦公城櫟陽即此

董翳王翟

地理志上郡文穎曰本上郡秦所置項羽更名廣記延安府屬

國崔都高奴延安府臨真縣

法言曰漢初業山南

漢中

發跡三秦

關中

韓生曰關中限山帶河四塞之地三輔舊事云西以散關為限東以函谷為界二關之中謂之關中雍錄云此說未盡顏氏曰自函谷關以西揔名關中徐廣曰東函谷南武關西散關北蕭關其說是也史記正義東有函谷蒲津西有散關隴山南有峽武關北有蕭關黃河在四關中故曰關中

彭城

徐州之縣故大彭國春秋時宋封魚石呂氏曰或咎羽不從韓生之計殊不知天時不如地利地利不如人和以羽之暴雖王關中無益也

江南

項羽紀從義帝長沙郴縣今郴州縣

新安

河南府之縣括地志故城在澠池縣東二十三里漢屬弘農

武關

左傳哀四年楚人謀北方司馬起豐析以臨上雒使謂陰地之命大夫曰將通於少習以聽命杜氏注少習商縣武關也

將大開武關道以伐晉商縣漢屬弘農即後漢屬京兆晉屬上洛郡隋改為商洛縣郡縣志商州即晉陰地也史記

貨殖傳南陽西通武關鄖關應劭曰武關秦南關通南陽文穎曰在析西百七十里郡國志在南陽析縣西析今

鄖州內鄉縣地理志漢中長利縣有鄖關長利今商州上津縣京相璠曰少習楚通上洛阨

道也水經注丹水自商郡縣志武關在商州商洛縣東寰宇記九十

里括地志同即少習也楚懷王三十年秦昭王遺懷王書願會武

關詐令一將軍伏兵武關號為秦王至則閉執之以歸楚世家

武關政書取漢元年八月沛公攻武關入秦子嬰立二月沛公兵沒武關入至咸陽三年五月轅生說漢王

出武又七國反周亞夫掌之趙涉說曰從此右走藍田出武

關抵雒陽不過差一二日直入武庫擊鳴鼓諸侯聞之以為

將軍從天而下戰國策即墨大夫見齊王曰鄆郢大夫使收楚故地即武輿地

廣記商洛縣東有少習秦謂之武關賈誼新書所為建武關

函谷臨晉關者大抵為備山東諸侯也田祿伯說吳王願得五萬人入武

延岑自武關林氏曰春秋時武關晉地非秦有也秦未得武關

故不可以制楚穆公之世秦伐郡與楚爭商密商密近武關

呂氏曰沛公圍宛定南陽至丹水還攻胡陽攻析酈皆降攻

武關入秦引兵繞音遙峽關踰黃山擊秦軍至藍田遂西入咸陽

此高帝入關所歷也王氏曰臨晉以限東諸侯武關以限南諸

侯函谷以限河北此沛公南至轅轅略南陽然後引兵而西

則其攻武關而入秦皆南境也晉桓溫伐秦步兵自浙川趣武關太康地

理志峽關在武關之西法言或問義帝初矯劉龔南陽原救河北三方分崩一離一合沒秦得人如何曰人無為秦也喪其靈久矣

陳倉

縣入右扶風輿地廣記鳳翔府寶雞縣故陳倉故城在縣東

二十里大散關在西南郡國志注三秦記曰秦武公都雍陳倉城是也

河南韓殷

申陽王河南鄭昌王韓王馬卬王殷呂氏曰漢王降申陽而

置河南郡降魏豹而得河東郡虜司馬卬而置河內郡三河之地皆為漢有矣故告諸侯之辭有悉發關中兵收三河士之語也

滎陽

漢屬河南今鄭州滎陽滎澤二縣故城在滎澤縣西南十七里范睢說秦昭王

曰王下兵而攻滎陽則鞏成臯之道不通呂氏曰滎陽成臯

自春秋以來常為天下重地由秦而上晉楚于此而爭霸由

秦而下楚漢於此而今唯雄天下既定七國淮南衡山之變

猶睥睨此地而決成敗焉東都之後言形勢者及之者鮮矣

人事既改則地之輕重亦有時而移也高帝十二年詔陳平灌嬰將十萬衆屯滎陽帝以天下新定恐

易世之後人心或動搖故以信臣重兵填南北之衝地理志成臯亦名制滎陽故歸國則成臯滎陽皆東歸地

京索

元和郡縣志鄭州滎陽縣京水出縣南平地索水出縣南三

十五里小陘山京縣故城縣東南二十里即鄭京城太叔之

邑古大索城今縣治左傳鄭子皮子大叔弟諸索氏小索城縣北四里史記正義

京縣有大索城小索城楚漢戰滎陽京索間即此三城前通

曰楚人起彭城轉關逐北至滎陽乘利席勝威震天下然兵

困於京索之間迫西山而不能進應劭曰京縣有大索小索亭高紀與楚戰滎

陽京索間

酈食其畫取楚之策

漢三年秋項羽擊漢拔滎陽漢兵遁保鞏楚人聞韓信破趙彭越數反梁地則分兵救之韓信方東擊齊漢王數困滎陽成臯計欲捐成臯以東屯鞏洛以距楚食其因曰臣聞之知天之天者王事可成不知天之天者王事不可成王者以民為天而民以食為天天教倉天下轉輸久矣臣聞其下乃有減粟甚多楚人拔滎陽不堅守教倉迺引而東令適卒分守成臯此乃天所以資漢方今楚易取而漢反卻自奪便臣竊以為過矣且兩雄不俱立楚漢久相持不決百姓騷動海內搖蕩農夫釋耒紅女

下機天下之心未有所定也願足下急復進兵收取滎陽據敖庾之粟塞成臯之險杜大行之道距飛狐之口守白馬之津以示諸侯形制之勢則天下知所歸矣方今燕趙已定唯齊未下今田廣據千里之齊田間將二十方之衆軍於歷城諸田宗彊負海岱阻河濟南近楚齊人多變詐足下雖遣數十萬師未可以歲月破也臣請得奉明詔說齊王使為漢而稱東藩上曰善迺從其畫復守教倉而使食其說齊王 軼生說漢王曰漢與楚相距滎陽數歲漢常困願君王出武關項王必引兵南走王深壁令滎陽成臯間且得休息使韓信等得輯河北趙地連燕

齊君王乃復支棗陽如此則楚所備者多力分漢得休息復與之戰破之必矣

鞏

河南府之縣地理志東周所居元和郡縣志春秋晉師克鞏縣本與成臯中分洛水西則鞏東則成臯後魏併焉爾雅鞏固也四面有山河之固因以為名

成臯

漢河南之縣故虎牢郡縣志河南府汜水縣後屬孟州古東虢國鄭之制邑漢之成臯隋改曰汜水項羽使曹咎守之漢王破之成臯

故關在縣東南二里通典云後漢置關春秋襄二年遂城虎牢十年成鄭虎牢胡氏春秋傳曰虎牢鄭地故稱制邑至漢為成臯今為汜水縣巖險聞於天下猶虞之下陽趙之上黨魏之安邑燕之榆關吳之西陵蜀之漢樂地有所必據城有所必守而不可以棄焉者也有是險而不能守故不繫于鄭地理志注穆天子傳云七萃之士生捕虎即獻之天子天子畜之東虢歸曰虎牢宋毛德祖成虎牢後魏晝夜攻圍二百日乃克

雜

河南雜陽縣周公遷殷民是為成周郡縣志故洛陽城在縣東二十里顏氏曰魚豢三漢火行忌水故去洛水而加佳如

魚氏說則光武以後改為雒字

教倉

書仲丁遷于豳詩博獸于教後漢注詩博狩于教即此秦于此築太倉名曰教唐在今鄭州滎陽縣西北左傳

晉師在教鄙之間云秦建教倉于成臯太康地教地名在滎陽

西北山上臨河有大倉注益康呂氏曰滎陽成臯挂南北之衝

故秦積粟于此通典巨橋盈而殷喪成臯溢而秦亡郡縣志教山在鄭州

滎澤縣西十五里宋武北征記秦時築倉于山上漢高祖因教倉傍山築甬道下汴河南府河陰縣本漢滎陽地二皇山山曰教鄙山上有三城即劉項相持處括地志云教倉在滎陽縣西十五里門之東北臨汴水南帶二皇山

成臯之險

正義即記水縣山險之道淮南王曰先要成臯之口又言絕

成臯之道天下不通要敬曰與項羽戰滎陽爭成臯之口地

廣記孟州汜水縣有虎牢城有汜水關東南有虎牢故關西南有旋門故關陸机洛記洛陽四關東有成臯關在汜水縣東南二里

太行之道

地理志太行山在河內山陽縣山陽後廢故城在西北正義云在

懷州河內縣河內縣本野王太行山在西北北二十五里澤州之南羊腸之道也

白起攻南陽河內修武也大行道絕之范曄曰北斷太行之道則上

黨之師不下山自孟州綿崔伯易感山賦云或王或臣建功立

業尤顯聞於後世則有六年腸之險壘此山之道攻滎陽伐

韓以威天下應侯為秦昭王之謀也據中山之險柱中山之
阨使天下知所歸者酈食其為漢高祖之謀也踰以山入射大
破青犢之衆殺謝躬於鄴以收復天下為心者漢光武之謀也
濟河降射犬之衆還軍教倉屬魏種以河北事然後西向以
爭天下者魏武帝之謀也進據武牢扼其襟要俾竇建德不
能踰山入上黨收河東之地而卒以併天下者唐太宗之謀
也即國志河內野王縣有太行山有射犬邑世祖破青犢于地廣記射犬故城在懷州武德縣北蔡澤河范睢曰君相秦決羊腸之險塞太行之口

飛狐之口

臣瓚曰飛狐在代郡西南正義蔚州飛狐縣北百五十里有

秦漢故郡城西南有山俗號飛狐口文帝紀匈奴入上郡雲
中以令免為車騎將軍屯飛狐匈奴傳云漢使三將軍屯
北地代屯句注趙屯飛狐口後漢王霸與杜茂治飛狐道注
云在今蔚州飛狐縣北通媯州懷戎縣即古之飛狐口晉劉琨自代出飛狐口奔北安次常山圖經云山北四百餘里號飛狐口輿地廣記有飛狐谷飛狐關在代國南四十里

白馬之津

漢白馬縣屬東郡戰國策張儀曰決白馬之口以流魏氏蘇
代說燕曰決白馬之口魏無黃濟陽楚代魏決白馬之口高誘曰白馬津

名水經注河過黎陽縣為白馬津之東南有白馬城唐

滑州黎陽津即此也今屬滑州白馬縣本衛之曹邑黃河去外城十一步

即縣志白馬故關在衛州黎陽縣東一里鄴食其說高祖曰杜白馬之津即此地後更名黎陽津黎陽津一名白馬津在白馬縣北三百里鹿鳴城之西南隅通典後魏改為黎陽

津張耳陳餘從白馬渡河劉賈擊楚度白馬津入楚地顏氏曰即今滑

州白馬縣河津袁紹遣顏良攻劉延於白馬即縣志白馬山在白馬縣東北三十二里關山園曰有白馬群行山吐悲鳴則

河決馳走則山崩津與縣蓋取此山為名慕容德改黎陽津為天橋津

歷城

今齊州縣漢屬濟南田廣罷歷下兵即其地

武關見前

朱氏黼曰漢楚自彭城之後割鴻溝之先漢惟京索一勝其

他二戰每戰輒敗不特楚之兵威如烈風暴雨非漢所能遏

而漢之視楚如羔豚之畏貔虎自南鄭以來雖決策東鄉之

計定於韓信明其為賊之義發於董公捐金以間其君臣之

謀顯於陳平說布使叛楚捐關東地以與信越之議籌之隨

何張良而其所以疲楚之力而分其勢者猶未之講也獨韓

生進說使楚力分而漢休息遂用之以平天下若生之策所

謂多方以誤之亟肆以之者歟高帝自得是議

而南彭越破薛公下邳羽於是棄成臯而東

高帝破終公成臯羽于是復引兵而西羽拔滎陽猶未設版也而漢之諸將已入其心腹燒其積聚矣羽不得已又揭而東羽方預兵大梁分師援齊而漢之大兵已破其臬將拔取成臯矣羽不得已又躑躅而西歲月未久奔走不寧智勇無幾前後受敵以一國之兵而分應數十以一人之力而奔命四方此其所以坐困與或曰漢取天下其征伐次叙大抵如秦人先據咸陽以為形勝之勢乃取巴蜀以為富饒之本遂用范雎遠交近攻之策先滅韓魏次及楚及趙及燕然後并齊以一天下高祖始居巴蜀由蜀而取三秦然後韓

信引兵取魏取趙取燕取齊與高祖會垓下以挫羽而滅之大抵先易而後難先小而後大先據形勢而後進取此用兵之道也

賈誼論封梁淮陽

誼上疏曰陛下所以為蕃扞及皇太子之所恃者唯淮陽代二國耳代北邊匈奴與彊敵為鄰能自完則足矣而淮陽之比大諸侯塵如黑子之著而適足以餌大國耳不足以有所禁禦高皇帝分天下以王功臣反者如蜚毛而起以為不可故斬去不義諸侯而虛其國擇良自立諸子雒陽上東門之外畢以為

王而天下安今淮南地遠者或數千里越而諸侯而縣屬於漢其吏民繇役往來長安者自悉而補中道衣敝錢用諸費稱此其苦屬漢而欲得王至甚通逃而歸諸侯者已不少矣其勢不可久願舉淮南地以益淮陽而為梁王立後割淮陽北邊二三列城與東郡以益梁不可者可徙代王而都淮陽梁起于新鄭以北著之河淮陽包陳以南捷之江則大諸侯之有異心者破膽而不敢謀梁足以扞齊趙淮陽足以禁吳楚陛下高枕終無山東之憂矣文帝於是徙趙計迺徙淮陽王武為梁王北界泰山西至高陽得大縣四十餘城徙城陽王喜為淮南王撫其民景

景帝立三年而吳楚趙與四齊王合從舉兵西鄉京師梁王扞之卒破七國

淮陽

高帝夷彭越分梁地為二國立子恢為梁王子交為淮陽王
文四年徙代王武為淮陽王通典漢淮陽郡故城在陳州宛
丘縣西南

代

高帝詔曰代地居常山之北與夷狄邊趙乃從山南有之遠數有胡寇難以為國頗取山南太原之地益屬代之雲中

以西為雲中郡則代受邊寇蓋少美文帝以代王入即位後
分代為兩國立子武為代王參為太原王四年徙參為代王盡
得故地都晉陽如故括地志并州太魚地名大明城即古晉陽
雒陽上東門

顏氏曰東面最北出門曰上東門雒陽城十二門李尤銘云
上東少陽厥位在寅水經注建春門即上東門也晉曰建陽

梁

文十二年武徙梁七國反先擊梁棘壁梁王城守睢陽而使
韓安國張羽等為將軍以距吳楚吳楚以梁為限不敢過而

西按睢陽今應天府宋城 括地志州南二里外城中本漢
睢陽縣張許守一城扞天下蔽遮江淮即此地也棘壁即左傳
大棘括地志大棘故城在宋州寧陵縣西南七十里

新鄭

地理志汝南之縣春秋文十六年盟于鄭立應劭云秦代魏
取鄭立漢興為新鄭蘇秦說魏曰南有新鄭則非漢改是名
也按郡國志新鄭建初四年徙宋公於此水經注潁水東南送宋公縣故城北鄭立也後漢郭竟封新鄭侯注新鄭
縣屬汝南郡故城在今潁州今潁昌府汝陰縣西北鄭丘城是也

陳

古陳國輿地廣記陳州宛丘縣楚頃襄王自郢徙都焉陳勝據陳自立為張楚漢高帝置淮陽國

泰山

今龍慶府奉符縣本漢博縣有泰山

高陽

郡縣志高陽故城在汴州雍丘縣西南二十九里高陽氏佐

少昊有功受封此邑陳留風俗傳高陽在雍丘西南

今開封府雍丘縣

鄴生陳留高陽人沛公至高陽傳舍徐廣云今在圍縣者舊

傳云圍高陽鄉

即國志圍有高陽城

輿地廣記圍縣故城在雍丘縣東南

淮南

文十二年城陽王喜王淮南故地十六年復王故城陽而立

厲王三子王淮南故地三分之二

鄧禹說光武

鄧禹聞光武安集河北即杖策北渡追及於鄴禹進說曰更始雖都關西今山東未安赤眉青犢之屬動以萬數三輔假號注注群聚更始既未有所挫而不自聽斷諸將皆庸人屈起志在財帛爭用威力朝夕自快而已非有忠良明智深慮遠圖欲尊主安民者也四方分崩離析形勢可見明公雖建藩輔之功猶

恐無所成立於今之計莫若延攬英雄務悅民心立高祖之業
救萬民之命以公而慮天下不足定也光武大悅因令左右號
禹曰鄧將軍常宿止於中與宣計議及王郎起兵光武自薊至
信都使禹發奔命得數千人令自將之別攻拔樂陽信至廣阿
光武舍城樓上披輿地圖指示禹曰天下郡國如是今始逼得
其一子前言以吾慮天下不足定何也禹曰方今海內殺亂人
思明君猶志子之慕慈母古之興者在德厚薄不以大小光武悅

邳彤對光武

世祖北至薊會王郎兵起使其將徇地所到縣莫不奉迎唯和

戎信都堅守不下彤聞世祖恨薊還失軍欲至信都乃先使五
官掾張萬督郵尹綏選精騎二千餘匹緣路迎世祖軍彤尋與
世祖會信都世祖雖得二郡之助而兵衆未合議者多言可因
信都兵自送西還長安彤廷對曰議者之言皆非也吏民歌吟
思漢久矣故更始舉尊號而天下嚮應三輔清宮除道以迎之
一夫荷戟大呼則千里之將無不捐城遁逃虜伏請降自上古
以來未有感物動民其如此者也又卜者王郎假名因執驅
集烏合之衆遂震燕趙之地况明公奮二郡之兵揚嚮應之威
以攻則何城不克以戰則何軍不服今失此而歸豈徒空失向

北心更驚動三輔墮損成重非計之得者也若明公無復征伐之意則雖信都之兵猶難會也何者明公既西則邯鄲勢成民不肖指父母背成王而千里送公其離散亡逃可必也世祖善其言而止即日拜彤為後大將軍和戎太守如故使將兵居前北至堂陽范蔚宗論曰邳彤之廷对其為幾乎語曰一言可以興邦斯近之矣

鄴 薊

相州臨漳縣本漢鄴郡縣

薊縣漢屬廣陽國今幽州

府 燕山

信都

冀州信都縣漢為信都國治光武自薊還聞信都獨為漢拒

邯鄲即馳赴之任光為太守開門迎降

樂陽

縣屬常山郡

廣阿

縣屬鉅鹿郡輿地廣記趙州隆平縣本廣阿後漢注故城在

象城縣西北

象城本朝改隆平

和戎

東觀記王莽分鉅鹿為和戎郡居下曲陽以邳彤為率正按

鉅鹿郡下曲陽漢都尉治今邳州鼓城縣

常山郡上曲陽今中山府曲陽縣有上故城云下

世祖徇河北至下曲陽邳彤舉城降

邯鄲

縣屬趙國時王卽據邯鄲邯山名卽盡也邯山至此盡今縣屬磁州

堂陽

縣屬鉅鹿今冀州南宮縣堂陽鎮在堂水之陽

諸葛孔明對昭烈

先主屯新野徐庶謂先主曰諸葛孔明者卧龍也將軍豈願見之乎先主遂請亮凡三往乃見因屏人曰漢室傾頽奸臣竊命主上蒙塵孤不度德量力欲信大義於天下而智術短淺遂用

猖獗至于今日然志猶未已君謂計將安出亮荅曰自董卓已來豪傑並起跨州連郡者不可勝數曹操比於袁紹則名微而衆寡懸操遂能克紹以弱為彊者非惟天時抑亦人謀也今操已擁百万之衆扶天子而令諸侯此誠不可與爭鋒孫權據有江東已歷三世國險而民附賢能為之用此可與為援而不可圖也荆州北據漢沔利盡南海東連吳會西通巴蜀此用武之國而其主不能守此殆天所以資將軍將軍豈有意乎益州險塞沃野千里天府之上高祖因之以成帝業劉璋闇弱張魯在北民殷國富而不知存卹智能之士思得明君將軍既帝室之

甯信義著於四海摠攬英雄思賢如渴若跨有荆益保其巖阻
西和諸戎南撫夷越外結好孫權內修政理天下有變則命一
上將：荆州之軍以向宛洛將軍身率益州之衆出於秦川百
姓孰敢不箠食壺漿以迎將軍者乎誠如是則霸業可成漢室
可興矣先主曰善

新野 隆中

新野縣屬南陽郡唐省入鄧州穰縣 漢晉春秋諸葛亮家

於南陽之鄧縣在襄陽城西二十里號曰隆中

荊州

刺史初治漢壽武陵後治南郡江南齊志云中平末王濬始治

江陵部郡七劉表傳云劉表為牧開土遂廣南接五嶺北據漢

川地方數千四漢沔左氏傳楚國漢水以為池注云漢水

出武都至江夏南入江水經沔水出武都沮縣東狼谷中地

理志東漢水受氾道水一名沔過江夏謂之夏水入江 南海

詩江漢于疆于理至于南海左傳楚奄氾南海 吳會吳郡

會稽郡永建四年分會稽為吳郡吳志朱桓部伍吳會二郡

莊子釋文云浙江為吳會分界是也 巴蜀漢地理志江陵

故郢都西通巫巴

益州

刺史初治雒部郡九屬國三劉焉為牧徙治縣竹漢州又徙治成都璋其子也張魯據漢中取巴郡

宛洛

南陽西通武關鄖關東南受漢江淮宛亦一都會也宛縣今鄧州南陽縣洛陽東有成臯西有穀颺通典云襄陽北接宛洛高紀沛公北攻平陰絕河津南戰雒陽東軍不利略南陽郡圍宛城陳恢見沛公曰宛大郡之都也連城數十

秦川

天水郡秦州秦始皇封之邑水經注秦水出大隴山秦谷歷三泉合成一水而歷秦川，有秦亭秦仲所封也高紀漢王從故道襲雍故道鳳州梁泉縣孔明屯祁山岷州長道縣州今西和州斜谷吳元府襄城縣姜維欲乘虛向秦川出駱谷鳳翔府盩厔縣此自蜀攻秦之路

王朴平邊策

周世宗即位獻平邊策曰唐失道而失吳蜀晉失道而失幽并觀所以失之由知所以平之術當失之時君暗政亂兵驕民困近者姦於內遠者叛於外小不制而至於潛大不制而至於濫天下離心人不用命吳蜀乘其亂而竊其蹊幽并乘其間而據

其地平之，術在乎反唐晉之失而已。必先進賢退不肖，以清其時用，能去不能以審其材，恩信號令以結其心，賞功罰罪以盡其力，恭儉節用以豐其財，徭役以時以阜其民，俟其倉廩實，器用備，人可用而舉之，彼方之民知我政化大行，上下同心，力彊財足，人安將和，有必取之勢，則知彼情狀者，願為之間諜，知彼山川者，願為之先導，彼民與此民之心同，是與天意同，與天意同則無不成之功，攻取之道從易者始，當今惟吳易圖，東至海南，至江可撓之地二千里，後少備處先撓之，備東則撓西，備西則撓東，彼必奔走以救其弊，奔走之間可以知彼之虛實，衆

之彊弱，攻虛擊弱則所向無前矣。勿大舉，但以輕兵撓之，彼人怯弱，知我師入其地，必大發，以來應數大發，則民困而國竭，一不大發，則我獲其利，彼竭我利，則江北諸州乃國家之所有也。既得江北，則用彼之民，揚我之兵，江之南亦不難平之也。如此則用力少而收功多，得吳則桂廣皆為內臣，岷蜀可飛書而召之，如不至則四面並進，席卷而蜀平矣。吳蜀平，幽可望風而至，唯并必死之寇，不可以息信誘，必須以強兵攻，力已竭，氣已喪，不足以為邊患，可為後圖。方今兵力精練，器用具備，群下知法，諸將用命，一稔之後，可以平邊。是時世宗銳意征伐，已撓群議。

親敗劉旻於高平歸而益治兵慨然有平一天下之志數顧大
臣問治道選文學之士徐台符等二十人使作為君難為臣不
易論及平邊策朴在選中而當時文士皆不欲上急於用武以
謂平定僭亂在修文德以為先唯翰林學士陶穀竇儀御史中
丞楊昭儉與朴皆言用兵之策朴謂江淮為可先取世宗雅已
知朴及見其議論偉然益以為奇引與計議天下事無不合遂
決意用之歐陽公曰其陳用兵之略非特一時之策至言諸國
興滅次第云淮南可窺先取并必死之寇最後亡其後宋興平
定四方唯并獨後服皆如朴言

高平

縣屬澤州秦破趙於長平即此地顯德元年次澤州及劉旻
戰於高原敗之追及於高平又敗之

吳江北諸州

顯德三年南征五年克淮南十四州以江為界

揚楚泗除和光黃舒
蘄廬壽海恭濠

揚泰除和壽濠泗楚光海等州已為周有李景獻廬舒蘄黃

桂廣

南漢據四十七州桂廣其都會也世宗平江北劉晟遣使修
貢為楚人所隔

岷蜀

顯德二年代蜀克秦成階

幽并

石晋獻十六州於契丹

瀛莫幽涿檀薊順蔚
荆雲應新媯儒武襄

顯德六年北伐取瀛

莫定三關

益津關為霸州瓦橋關
為雄州淤口關上置塞

述律謂周所取皆漢故地不足顧

十四州之地皆可取矣世宗遇疾功志不就自太原以北十

州通典十二
州有隆蔚

入於劉旻

旻代嵐石憲
麟并沁沁遼

顯德元年攻太原不克

蘇文忠公曰古之君子如伊尹太公管仲樂毅之流其王霸
之略皆言於畎畝中非任而後學者也淮陰侯見高皇帝於

漢中論劉項短長畫取三秦如指諸掌及佐帝定天下漢中
之言無一不酬者諸葛孔明卧草廬中與先主策曹操孫權
規取劉璋因蜀之資以爭天下終身不易其言此豈口傳耳
授嘗試為之而僥倖其或成者哉 張宣公曰蕭何為相之
初首薦韓信為大將而三秦之計遂定此得為相用人之體

